



Makori na Gesare imbachete etugo. Moisonde imbagenda gotarera Kerubo. Kerubo n'omoremi otugete etugo buna chiombe, chimbori, ching'ondi, chingoko, amo n'ebisusu.





Nigo baigete o Kerubo chinsa chia mambia. Kerubo akabaira korora chiombe. Bakarora chiombe chikoria chinsiaga. Echinde nigo chiare komena echumbi ase orotuba.





Bakagenda ase egetii kende. Bakanyora chimori chisiekeire. Bagasoa ase egetii na koabusabusa chimori. Chimori chigatenena na kogenderera gotakuna eng'ang'ura.





Korwa abwo bakagenda ase egetii gie chimbori.
Chimbori nigo chiasibire ase ebikonge. Amato ya
amarabwoni chiarenge koria.





Egetii kende nigo kiabwate Ching'ondi. Bagakumia korora ching'ondi chindabu n'echinde maroba. Bagasoa getii korende ching'ondi chigatama.





Ekeru chigotama bakarora chikonyegeria emekera.
Gesare na Makori bagachaka goseka. Kerubo
akabatebia buna nigo akobutura ching'ondi echio
emekera rimo ase omwaka. Akabatebia buna
nabarangerie bachiche koria emekera kegosambwa.






Korwa abwo bakairana inka. Bakagenda ase enyomba ye chingoko. Bagakumia korora chingoko chinyinge mono. Chiturei chi'amagena nachirochio nigo chiarenge chinyinge. Kerubo akabatebia buna nabo akobakarangera amagena bagokora gotara.





Bakagenda ase enyomba ende bakanyora ebichuchu. Bigachi kobarora, bikabaminyokera. Gesare na Makori bagataka kobibwata. Ebichuchu bikabatocha bagatama. Bagachaka koega ebichuchu na goteba ng'a, "Chwi! Chwi! Chwi! Chwi!"





“Inaki okonyara korenda etugo eye yonsi?” Makori akaboria Kerubo. Kerubo akamoiraneria ng’a, “Inkobatebia inde ekero tokoria amagena.”





Bakanyora ebisusu nyuma y'enyomba y'ebichuchu.
Nigo biarenge koria ebinto ebisinini. Erio nario
riarenge rituko riabo ritang'ani korora ebisusu.





Bataragenda goikaransa, bakaigwa chise
chigokoga “gwo!gwo!gwo!”. Bakarora chise isato
chinene. Bagachioboa mono.





Korwa abwo Kerubo akabaira nyomba egere abakarangere amagena. Naende nigo atagete kobaeresa buna akorenda etugo yaye. Mosuko Gesare na Makori nabo barabaise gotwara etugo yabo.

